

Segun Zeppy Zeppenfeldt..

RUBEN GARCIA A COMETE FALTA DI ETICA

** Hopi reclamo DEN AMBIENTE a ricibi tocante e forma insecario cu Ruben Garcia a hasi, di presenta e ritmo original "Sak'e Boem Boem" y laga e publico opina cua ta mihor.

DEN AMBIENTE mes no a skucha e programa aki.

Ta masha hopi hende mes a yama Zeppy, y a sundra su persona ta di con e la duna Ruben e piesa original pa asina trata pa kibra Claudius, asina un Zeppy hopi desgusta a conta DEN AMBIENTE durante un entrevista.

Zeppy a conta DEN AMBIENTE cu tabata dia cu Arrow a yega Aruba, e la laga Ruben skucha e piesa original di "Sak'e Boem Boem". E piesa aki ta aparece riba e C.D. "The First Serenade", cual ta un banda di Dominica di Eric


Bardoelle.

Ta asina cu Zeppy a bisa cu Ruben kier a bay cu e C.D. inmediatamente, pero Zeppy kende ta un di e coleccionista mas grandi na Aruba, no a laga Ruben bay cu e C.D. Pero a laga Ruben graba esaki riba cassett.

No tabata intencion di Zeppy pa duna Ruben e piesa original aki, pa e bay "blow out" na radio y compara esaki cu esun di Claudius. Segun Zeppy lo cual Ruben a hasi ta CONTRA ETICA DI LOCUSION.

C.D. CARNAVAL DI CLAUDIUS Y O.R.E.O. A YEGA ARUBA

Cu e super hit "Saca El Bum Bum" na spaño



e mester a manda solicita pa e segundo lote. Esaki tambe ta encera pa e mercado internacional.

Riba e C.d. ta aparece; Saca El Bum Bum, Cultura (Roadmarch '95), One Day (Calypso '95), Hise (Roadmarch infantil Queen Analia), Carnaval Train (Roadmarch), Soca (Roadmarch), The Wave (Roadmarch), Neighbor it's Carnaval (Roadmarch '90), Dede (Roadmarch '90), Ca-

lypso Classic (Calypso).

Pues si tuma nota riba disco compacto aki ta aparece siete roadmarch y dos calypso mas e super hit Sak'e Boem Boem na spanjo, cual ta masha hopi mes gusta entre e bishitantenan di habla hispano.

Un biaha mas un PABIEN grandi na Cladius Philips y su dinamico organisacion O.R.E.O. "ECHA PALANTE HERMANO'S".

Musica ta algo universal, un bunita gesto di DIOS como e meta primordial pa trece alegria y paz, y no pa fomenta polemica y enemistad, un Zeppy defrauda ta splica DEN AMBIENTE.

Si e tabata sa cu Ruben lo a bay mal uza e piesa aki contra Claudius, anto hamas e lo a duna Ruben e piesa aki. E motibo cu e la duna Ruben e piesa original, ta pa demostra Ruben cu e esun di Claudius Philips ta 40 biaha mas mihor cu esun original.

Pero e forma cu Ruben a presenta esaki, ta duna un impresion di envidia of trata pa kibra Claudius, algo cu e ta lamenta masha hopi mes. Na ultimo Zeppy ta puntra "TA ASINA NOS TA PROMOVE NOS PROPIO ARTISTANAN ??

** E disco compacto dedica pa e temporada di carnaval di Claudius Philips y su grupo O.R.E.O. a yega Aruba. Riba e disco compacto aki tambe ta aparece e super hit "Saca El Bum Bum" na idioma spanjo,

cual Claudius tin intencion pa penetra den e mercado hablo hispano.

Por a compronde for di Claudius cu apenas e prome lote a yega Aruba, ya practicamente e ta "sold out". E demanda ta asina grandi cu



**QUOTA CLUB por ser mira aki cu nan bandera, y a establece nan centro pa carnaval den entrada di Vondellaan pa asina tur esnan cu mester di earplug por pasa libremente busca nan proteccion pa oido. Corda usa earplug cu ta importancia contra sonido fuerte di musica.

**DEN AMBIENTE DIALUNA
NA RADIO GALACTICA
4:00 P.M. - 6:00 P.M.**